

雍虞先生道園類稿

四







雍虞先生道園類彙卷之五十一

律詩五言

題王肫畫吳王納涼圖應制

雨過太湖上風生響屨廊紅綃拂几席白紵製衣裳  
朱光淪厚地明月在高堂何以保玉體長年樂未央

林臯亭

九月天氣肅鶴鳴在林陰使君甚好客來者總能吟  
紅樹秋山近黃華夕露深鄰翁八九十有酒即相尋

題吳興公長江疊嶂圖

昔者長江險能生白髮哀百年經濟盡一日畫圖開  
僧寺依稀在漁舟浩蕩回蕭條數根樹時有海潮來

節婦王夫人劉氏

憶昔中丞在清淳古道存節高賢女弟文託外諸孫  
慈竹宜家慶桓楹表國恩燕秦鬱相望美俗繫人門

次韻阿榮存初參議秋夜見寄

寓館城門夕高秋雨露開天垂華蓋近月轉紫垣來  
疏闕思良會淹留到不才深期謝安石揮塵散風埃

重過李老谷



積雪擁柴門行人稍出村溪頭或遇虎木未不聞  
接棧迴山閣支橋就樹根驅車上重坂回首見朝暎

### 香山寺

高閣丹青起中天紫翠分總當太白雪門俯九疑雲  
伐木山人去吹簫帝子聞塵中歸未得春事轉紛紛

### 漫興

雨閣添衣潤風簾隱几高白頭更事少病目尚書勞  
南客傳音信東家問酒醪江邊茅屋破歸揖若爲操

### 送張尚德

送張尚德

二

尚德下第史館留之報可未下即斂裳而逝以此  
送之

六月初聞兩官河潦水生江南歸宋玉稷下謝荀卿  
鵬鳴青霄迴蕙葭白露盈都留詩興在來聽上林鶯

### 寄丁卯進士薩都刺天錫

江上新詩好亦知公事閒投壺深竹裏擊馬古松間  
夜月多臨海秋風或在山玉堂蕭爽地思爾珮珊珊

### 送趙繼清令尹之官安陸

雲夢開七澤陪尾貫連山爲政烟塵表吟詩松竹間



故人總華要令尹獨清閒文學偏宜老母愁鬢髮斑  
題唐玄宗按樂圖

新度霓裳曲三年教得成驚鴻渾不下飛燕若爲輕  
芍藥春亭暮芙蓉野水生梨園多白髮吹笛到天明  
送長沙守

白髮長沙守循良又好文近辭金馬去遠有玉魚分  
對竹聽湘雨開簾看嶽雲漢廷思賈誼一飯莫忘君  
送趙仲禮編脩祀西嶽江瀆

西道祠官去東風入旆斜汾陰已歸鴈江水正飛花  
歲事聞宜穀鄉人喜過家老來思故里欲寄使君車  
代陳衆仲作

昔在泉州任將軍每見招春雲山對屋夜雨水平橋  
池鴨穿荷葉溪魚上柳條禁城鐘鼓定車馬晚蕭蕭  
題宋雲舉太常臨汾二節婦序後

許氏姪從姑相承患難餘自傷還自誓同志復同居  
白髮冰霜共丹心鐵石如有關名教重珍重太常書  
題玉堂燕集圖

朝廷多暇日別館又青春薄醉猶催酒清歌況有人



玉堂金硯匣翠袖白綸巾老去渾無賴憑誰爲寫真  
答桂風子先生

深隱廬山裏題詩忽見存風高應跨虎月落更聽猿  
酒熟邀皆去丹成笑不言雲屏第九疊相與浴晨暎

寄陳衆仲

懸榻塵生席深居晝下帷齊眉安饋食擁髻近歌詩  
藥裏須鍾乳書題憶荔支白頭吟更苦何必蜀人思

鄭谷圖

道士徐太虛生紙畫山居林壑春烟裏桑麻夜雨餘

道園類書卷五

四

過橋九節杖連屋一床書似是子真谷歸耕三月初

畫檜

茅山多古樹此檜更長生鶴鶴栖來穩蛟龍化得成  
雲深遠近戶月落似聞笙千載如相見蒼然故舊情

題李貞嶠墨竹

河東李學士隨意放洋州月落庭陰迴雲生谷口幽  
江濤空渺渺筆墨更悠悠瀟灑西清地令人憶舊游  
爲少監歐陽原功題宋好古竹

幕中能寫竹作此雨瀟湘出石根還瘦臨溪影更長



班稚子立一一鳳雛將日有長安使平安問老蒼  
贈揚友直

雒陽揚友直字擬漢中郎畫若錐穿石垂如雨漏墻  
舞花羞女美醉草笑僧狂昨日鴻都學煩君寫數行  
寄曾東泉學士

問訊東泉老江南又五年涼風鳴步屨明月棹歌船  
陪講長懷舊還朝獨後賢治平二三策早晚玉階前  
題赤壁圖

過鶴生新夢鵠魚憶舊游清霜凋木葉落日湧江流  
隱者時堪訪良田亦易求如何玉堂夜白髮不勝愁  
題況肩吾縣令贈行卷

縣庭都禁謁抵許見諸生接壤皆興學游民亦願耕  
弦歌居室迴山水畫圖清千載雲巖石能留令尹名  
送朱萬初之廣東照磨

聖主多清暇臨池愛日長天章垂鳳彩雲氣動龍香  
進諫慚簪筆爭書敢近床承恩君最早服玉向炎方  
八月八日有感題視草堂壁

載筆趨芸閣探囊索緼袍坐銷秋日淨心折夜風高



識字頭先白謀生計轉勞文園多病渴常想賜蒲萄

賦程以文竹雨山房二首

春雨過山竹幽泉繞舍鳴燕泥書帙晚魚浪釣絲晴  
奉席從孫子連床總弟兄舊聞林下叟讀易到天明

其二

遊子聞春雨思親望故園竹間開綺席花底注山尊  
累世書連屋頻年柏滿村上鄰淳朴地絕學欲重論

試問堂前石二首

試問堂前石來今幾十年衰顏空雨雪幽致自風煙

微醉寒堪倚孤吟靜更眠舊湖春水長誰繫釣魚船

其二

為問堂前石何年別太湖春風神不王夜月影長孤  
不中明堂柱空遺良嶽圖頗思嘉種木歲晚與相扶

其三

為問堂前石何無藤蔓纏金蓮疑可致紫菊若為妍  
舊夢遺波浪間情閱歲年祗緣相識久親為濯清泉

其四

碣石久淪海女媧曾補天乾坤遺叢爾霧雨護蒼然



萍劍龍隨化，彎弓虎自全。昔賢多賦此，誰賦最流傳。  
其五

爲問堂前石，屢逢堂上人。遠來嗟最久，獨立與誰鄰。  
運載勞車馬，摩挲識鳳麟。鑿車書吉日，追琢到嶙峋。

代石答五首

幸自憐頑鄙，無勞問歲年。當寒金作礪，向暖玉生煙。  
肩黛無歸意，毛群有叱眠。涼州三百斛，亦未酹酖船。  
其二

昔觀一柱觀，還度幾重湖。雪盡身還瘦，雲生勢不孤。

昔觀一柱觀

研穿鄴臺瓦，賦就草堂圖。芝閣玄雲在，危蹤敢藉扶。  
其三

牛角何堪礪，蝸涎謾自纏。沈冥辟邪古，素溼望夫妍。  
神物須清鑒，靈根屬小年。金輿曾共侍，千載憶甘泉。

其四

轉徙寧論地，存留亦信天。露盤危欲折，劫火不同然。  
雒下殘經斷，岐陽數鼓全。向無文字託，寂寞竟誰傳。

其五

去歲留詩別，嗟哉白髮人。冠依子夏製，居切左丘鄰。



簞充振鷺脩辭綴獲麟終須愁坎壈勿用誚嶙峋  
送魯子翬廉使之漢中

封上頌臺禮輕車入漢中節毛吹渭雨木葉動秦風  
把酒臺基古馳書歲事豐朝回倚西閣日日數歸鴻  
立春夜試墨

輕雪作春花飛來入鬢斜紫貂迎曉霧絳蠟炫晴霞  
書詔頻趨閣思歸即借車幾時將稚子隨意踏江沙  
名酒

名酒不可得幽花誰送來秋霜垂鬢髮夕照在樓臺  
盡日山公醉何年使信回喚入吹玉笛移席坐蒼苔  
蜀人曲江之官贈以墨竹

拈筆寫琅玕清風入座寒蜀山空偃蹇海郡更盤桓  
雲霧瓊簫遠冰霜玉節完莫忘鄉里意持向曲江看  
題宋乾道宸翰雲壑二字

昔者雲歸壑天章自九重日華常映鳳山氣盡成龍  
俯仰遺陳跡高深儼德容飄然化春雨結想在高松  
寄忽承旨

投老清江外依山結數椽扶藜循水竹把筆賦雲烟



歲熟無憂食秋清不礙眠故人相望遠北極在天邊  
寄三衢守馬九臯

聞道三衢守年豐郡事稀詩成花覆帽酒列錦成圍  
鶴髮明春雪貂裘對夕暉扁舟應載客閒聽洞簫歸  
題朱澤民山水圖

積雪山陰道嵯峨筆底生雲門見童子禹穴閱蛟精  
高卧何人在幽情幾詠成杜陵空想像晚飯拖樓晴  
寄題汪道士草亭

飛白妙娉婷新題照草亭仙遺相鶴法客借換鶴經  
霧雨歸懸黍風雲護伏苓遙知春晝永深坐養黃庭  
黃敬延送竹本

分得瀟湘竹森森忽滿林香鑪來曉色石檻借清陰  
好共芝蘭長毋令草蔓侵清風月如晝老朽要長吟  
聞鴈

樓近煖雲濕夜深歸鴈低聲音燈外盡羽翮月邊迷  
冉冉白榆上悠悠黃竹西應逢穆王駿春草一長嘶  
題錢舜舉畫

一樹花如雪清明客未歸坐看黃鳥並夢作綵雲飛



翠袖寒猶薄羊車過絕稀  
相如能作賦月下卷春衣  
題山水圖

汎舟桑落浦望見香鑪峰  
野水常歌樹山雲不礙鐘  
桃源攜客覓松徑與僧逢  
爲託荆關輩深子九節節  
題馬竹所所藏畫

老樹依江岸歸舟傍釣竿  
水花看晚淨風葉識天寒  
鴈字來千里魚羹付一餐  
遠山青可隱日下是長安  
題曹霸畫馬

將軍今爲庶畫馬寄高情  
聚立天風起長嘶沙草生  
飛揚萬里意凌亂五星精  
日暮太行道悲哉長短行  
送客北門晨登山木閣

晨登山木閣零雨煖於春  
溪水解留客梅花偏照人  
林香知酒熟市遠覺民淳  
此地堪娛老惟愁度水頻  
次韻陳溪山二首

移棹避殘暑開尊就夕陰  
冥鴻聊自達幽草若爲吟  
離索連三月棲遲共寸心  
遙憐溪上晚扶策獨臨深  
其二

乘興忽忘遠相思知幾何  
未便塵事少謾悔世緣多



朝食烹芝菌秋衣製芟荷平生但隨運何地不蹉跎  
送人之劔閣倅

往年登劔閣快馬著春衫設險懷前賦磨崖見舊鑿  
鄉人遊雪界郡倅試冰銜歸道觀新政春江不挂帆

寄山尚書

竹色侵衣碧重簾雨氣深白鷺翻墨沼紫燕入書林  
北海春尊側西山夕閣陰東曹公事少歌舞散黃金  
正月十一夜坐

春雷晝初發夜雨遂沈沈晚得隱居趣靜知生物心

道園雜詠五

十一

佛燈依坐近神鼓隔林深老病都無睡詩成聊自吟  
答易小雅送商陸根

商陸經年覓春深幸見分斲同黃獨雪坐對白花雲  
參朮資芳澤芝蘭競宿熏道家空作脯寧與筍蔬群  
足舊作出小東郭

問訊成都宅還過萬里橋鄰墻皂角樹官路綠楊條  
部曲都無在茅茨忽見邀滄江沾白雪盡為夢魂銷  
次韻劉伯溫送王止善負外詩四首

集今春與止善負外約三月致仕同遊武夷旣而



聞其扁舟江上遂不及與之別監憲學齋公送以  
七言律詩一章五言三章遠蒙錄寄不勝慨然蓋  
公之所賦所以激清風於古道發大雅於儒林止  
善平生遂有見於久遠所繫亦大矣輒次韻四篇  
追寄止善亦以頌公之盛德拙陋不工錄呈愧悚  
一笑幸甚

故人歸去甚清華公有新詩在小車天外秋聲先  
陣雲邊清夢過蜂衙未尋舊宅山陰竹更憶玄都  
觀裏花擬叙別懷題紙尾日昏書字愧欹斜

公門無俗客相識已經年歸有廉車送人知國士賢  
詩隨官事少身與盛名全省署居清切何曾種秫田  
衣冠懷故老翰墨送初筵老有詩囊在家從室罄懸  
詎知清剡興不賦武夷篇千仞西山雪高情獨爾賢  
攜詩山寺讀深夜接猿吟秋水銀河影春雲錦瑟音  
尊前思北海世外愧南金禹穴堪尋否涼風起夕陰  
暮春溪上作示涂鐸

久向山中任閒來上釣舟攜將青竹杖撐過白蘋洲  
稚子休相覓衰翁更少留東風吹雨起移繫屋山頭



用趙堦韻示次子延年

治生先務本爲學必成章  
念爾應門早無能韞匱藏  
詩書家世重師友歲年長  
尚念鳴幽鶴輕毛戒妄翔  
到寺

到寺無僧住鄰翁立暮雲  
喜逢新過客爲說故將軍  
野水寒先涸殘鐘暝不聞  
欲知何代建然竹讀碑文

望巴山

巴嶺對秋屏依稀秦華形  
雙尖天際碧一色雨餘青  
牙燾穿行柏旌幢接降靈  
南昌漢時尉招與步空庭

賦天藻亭舍中生二竹示幼子翁歸二首

舍下生春筍兼旬文尺高  
爲開鴛瓦脊放出鳳池毛  
覆屋通雲氣衝樓樹節旄  
連年雙碧玉聊記一揮毫

其二

墓田雙瑞竹遠報謝鄉僧  
江上歸無日山中見未曾  
簡材生屋壁玉氣近書燈  
茅屋秋風卷冲霄喜有翎

夕照

夕照散餘曛氤氳見物羣  
斗杓垂野迴空影界河分  
會弁懷瞻洛樓船憶祀汾  
荒村閒草木隨地有浮雲



題畫馬

房家千里馬寫出度江時煙霧連城起風雲六月馳  
尚方催進馭勇士不能騎首帽成秋草空寒太液池  
題黃思謙所藏雪牕畫蘭

澧浦多芳草微風翠葉長黑雲開劍戟香澤近衣裳  
書帶垂青簡葱珩委玉肪同心誰可並芝本產齋房  
其二

手攬花鬢結化為樓閣雲幽人移近坐天女散餘芬  
九畹春光動三湘曉色分凌波送羅襪誰是鳳毛群  
新作暖閣望陳溪山不至

白雪滿虛空春生一粟中明窓塵帖帖圓鼎氣濛濛  
梅萼猶緘綠椒花欲獻紅誰能共來往惟有太丘翁  
寄吳宗師

花發上陽紅宮袍醉晚風題詩酬怨鶴寫信寄飛鴻  
閶闔天光上蓬萊海氣中松聲一雨疊時寄看雲翁  
胡伯恭今尹挽詩

二十南陵薄才名舅氏同千金劍客散一棹酒船空  
朱紱梅循吏安輿已病翁神明盡今日歎惋謾群公



賦奎章玄玉應 制

禹貢收浮磬堯階望商雲自天承雨露拔地起網緼  
擊拊磬音合衡從玉兆分巨鼈三島力威鳳九苞文  
辨位資乾坎爲山填幅員固知興寶藏不假運神斤  
書帙侵春潤香鑪借宿薰煙光晴冉冉波影晝泫泫  
融結絲元化登崇荷

聖君瑞於龜出洛重若鼎來汾柱立尊皇極盤安廣  
帝勛詎云陳秘玩因願獻前聞

正月十一日朝回即事

宮樹春陰合霓旌拂曙來天光臨閣道雲氣轉蓬萊  
書漏沈沈鼓晨尊灑灑盃香霏簾裏霧樂殷殿前雷  
祥瑞儀曹奏珍淳尚食催舞庭分鷺序效獻過龍媒  
融雪微生草輕風不動埃老人南極至王母上方回  
玉色何多喜金華得重陪裁詩賀新雨西閣待門開

贈別兵部崔郎中

東髮來東海從軍護北門珠光連旭景玉氣達春溫  
淵靜龍含德門嚴虎列屯從容參帷帳慷慨屬裘鞵  
拜表推黎獻趨朝謁至尊雲依溫室樹星入紫微垣



不道璫璣貴仍嬰莞庫煩利行雖近市義守不窺園  
眷遇忘身得危難欲手援懷邦維父母於國實甥婚  
瑣瑣還羈勒原原致璧殮魯連名竟重箕子教應存  
簡在從當日扶持白宿藩清宮風肅肅駸乘火焯焯  
帝所爲郎重王家報禮敦暫伸桑梓敬未愛李桃繁  
神闕秋期早康侯晝錫蕃九城思閣鳳六月待冥鯤  
次韻筠軒司徒足成旦公所藏

英宗御題之句元題曰日光照吾民月色清我心又  
題琴曰至治之音

化國多長日高僧侍紫宸觀書從上相屬筆念生民  
雲漢文章備風雷號令新惟應青簡在能載古風淳  
御翰龍池曉繙經鷲殿陰雲依清靜葉月印妙明心  
千載堂堂去諸天肅肅臨朱絃誰爲鼓至治有遺音

次韻李侍讀東平王哀詩

宇宙生奇變明良陷逆圖傳聞昏白晝悲憤結全區  
治極機潛否恩深事失謨犯車仍斷軌壞戶竟傷樞  
魑魅嫌明鏡強梁忌雅模甘心成首禍藉口肆群腹  
隱忍危衝決憑陵善唯俞自天倏鈇鉞累月具靈輿



衰革疑亡地招魂競出都笳鳴殘夕月馬僨四交衢  
所痛倉皇際將無古昔殊腹心何蠱蝕肘腋不支吾  
列位多翹楚干城總豹貙詎言歸厄數不復頌貞符  
天討公無赦皇心愛不姑報讎論婉變錫爵酌嗚呼  
相業今如在民生實少痛誰能疵璧玉惟有泣瓊珠  
執簡書群盜當關欠一夫馳奔嗟薄日沐浴正中途  
決去思投闕違之或汎湖危知無復死恨不奮前誅  
春雨煩冤滌朝陽痛思蘇謳吟印感慨述作懼荒蕪  
芒忽思離散君蒿起苑枯神還崧嶽峻氣直斗杓孤

陟降

先皇側回翔造物徒英靈常會合瞻想豈虛無  
慶史顯甫治書父八十

治世尊三壽高年見八朝羽儀參漢皓神觀邁周喬  
柱下聲名遠壺中日月饒微醅霞灼灼新沐雪蕭蕭  
地厚原初峻天全玉不凋一經傳令子貳憲肅群僚  
侃侃稱時望英英樹國標繡衣兼綵服白日上青霄  
上壽歸榮異推恩錫爵超紫深宗伯橐金重列侯腰  
珍膳應恒從安車必見招乞言踰藥石報德稱瓊瑶



千歲庭來鳳群工韻合韶陳詩方懿頌擊壤比康謠  
送國王朶而只之遼東

太祖收中夏元臣有武功建邦開土宇爲位冠君公  
奕世王章在諸孫相業隆春秋周正月禮樂魯新宮  
鹿幣金遺耐熊侯筭失中河山仍鐵契寶玉右琯弓  
投筆鄒枚秀揚旂芮縮雄寒雲依碣石凍雨灑遼東  
戎器橐藏盡賢書奏納同大夫勞誓御惇史采民風

送陳碩

莆田陳氏慶曆從官之孫自衆仲來京師予得友

焉其從子碩南歸賦此送之

六歲過閩郡書聲憶滿城目盲今子夏心醉昔延平  
爾叔同游息吾文愧老成每分重席煖相對一燈明  
遠海乘桴意高山伐木情願攜筇竹杖往看荔支生  
辟掾青衫舊趨庭綵服輕爲言穿木榻亦未厭藜羹  
寶瑟留飛鴈蘭舟及轉鶯珮懷湘渚贈綬向會稽迎  
去去江雲濕飄飄島霧清重來知有意時我已歸耕

送南宮舍人趙子期宣 詔交趾

三年頒正朔五月向南交將命方離闕陪臣已在郊



衣裳鴻羽漸干成虎皮包瘡霧衝風散瀧湍急雨捎  
朱鳶窺土室白雉下樽巢夜浦鮫停織陽岡荔折苞  
初筵分豔鬪後騎奏笳鏡詆日脩王貢兼時眠客庖  
方言書仄理海錯藉青茅漢柱芻侵篆秦林樹拂旃  
括囊無意故當戶有蟪蛄即見還英節無煩筮繇爻

哭熊昶之

居官常獨處論事每平心獄用春秋斷囊無暮夜金  
家園聊伏臘江路足登臨名酒應常得幽人亦重尋  
築堤行冉冉脩社坐深深環堵書連竹空林月照琴

四年差契闊千載入沈吟陶令餘瓶粟黔生正斂衾  
孤兒承薄祿苦節奉遺音白髮秋多感青山夕已陰  
敦廉猶可望虛偽庶能箴郡乘誰傳信來車失所欽



雍虞先生道園類稿卷之六

律詩七言

題白樂天重屏圖應制

錦屏圍暖坐衰翁，妻子相看笑語同。  
翡翠鴛鴦元是畫，櫻桃楊柳詎非空。  
清朝優老容歸早，野寺宜閒見歲豐。  
兜率有天何異此，葛巾吟偈白蓮風。

送袁伯長扈從上京

日色蒼涼映赭袍，時巡母迺聖躬勞。  
天連閣道晨留輦，星散周廬夜屬橐。  
白馬錦韉來窈窕，紫駝銀甕

道園類稿卷六

一

出蒲萄從官車騎多，如雨祇有楊雄賦最高。

代祀西嶽至成都作

我到成都纔十日，駟馬橋下春水生。  
渡江相送荷主意，過家不留非我情。  
鸕鷀輕筏下溪足，鸚鵡小總知客名。  
賴得郫筒酒易醉，夜深衝雨漢州城。

代祀西嶽答袁伯長王繼學馬伯庸三學士

紫禁沈沈曙色低，奉祠羣使已肩齊。  
承恩歸院迷煙樹，賜傳開關踏雪泥。  
蹀躞共憐騎苑馬，委蛇不若聽朝雞。  
山川有事寧辭遠，咫尺成都是國西。



棧道年年蒼舊推已將平易履崔嵬經行關輔圖中  
見夢想鄉山馬上來諸葛精神明似日相如情思冷  
於灰重思親舍猶南國願托江波去却回

題吳興公秋山圖

翁昔少年初畫山丹楓黃竹雜潺湲直疑積雨得深  
潤不假浮雲相往還世外空青秋一色牕中遠黛曉  
千鬟瀛洲雞犬同人境尚想翁歸向此間

題黃竹村所藏畫卷

雪後城陰五一坡寒梅踈竹共婆娑經行不覺驚興

遠點染還疑綵筆多蜀棧暖雲生野樹匡廬晴照落  
江波商公已老高公死惆悵誰人柰汝何

過池陽與周南翁同知

使過池陽聞上日好懷浩蕩爲君開江干維楫車馬  
集亭上持盃風雨來通夜魚龍聽語竟明年鷓鴣憶  
朝回九華秋色翠可食爲問謫仙安在哉

送莫京甫廣憲經歷

延春閣下承恩日是我經幃侍講時方擁青編臨綺  
席遙看朱紱拜丹墀風微細草鳴珂珮日暖飛花近



景絲 上憶遠人常軫念莫言南海是天涯

遊何月湖尚書山莊四首

威德高年陟泰階歸尋仙隱石樓開舊闥前引朱衣  
吏每爲行吟綠逕苔夜色園林瓊圃樹春寒庭館石  
湖梅誰家今有賢孫子黃菊高秋與客來

先君夙有登臨志老去無能共往還敢謂菊華憐寂  
寞許教筇竹歷孱顏地高天近惟秋好雲淡風輕盡  
日閒早晚涪翁酬素約更從几杖一躋攀

石梯一逕仙凡交過此先見蒼崖坳幽穿斗角潛蛟

八道園集卷六

三

窟危出雲根棲鳳巢題字百神驚澗底嘯歌衆籟越  
林梢重吟仙伯石樓詠一解齊人山鬼嘲

黃姑仙崖置屋宇我躡飛磴如猿猱環山翠儻是滅  
郭平地白雲皆海濤人頭關上走馬健仙堂峯前飛  
隼高願得金丹換毛骨三清八極共遊遨

次韻仲常第葬黃氏妹併示表姪譚元之及

黃氏諸甥

寒泉涓涓山木秋子弟行役荒原頭忍聽諸甥哭慈  
母浩將孤淚灑新丘山川神氣早晚復珠璧耀光日



夜浮不惜衰年待爾輩受成積德過岑樓

再示表姪譚元之

憶別高堂十五秋不堪俯仰雪盈頭翁時贈玉歌清  
渭子正將車從太丘久矣孤懷成寂寞島哉古學矯  
虛浮母看舍弟承咨辨如見從容月滿樓

題太子少傅翰林承旨李野齋幽居圖

車蓋歸來托遠林魯山嶺翠魯原深漁樵相識頻分  
席賓客時過共賜金百歲儀刑猶近古五朝文物至  
于今披圖想見登臨地松滿徂徠起夕陰

昔曾與朱

四

與歐陽原功待制久不相見今夜同宿齋

宮并柬謝敬德脩撰

學省初兼禁直稀故人同署却相違食餘首宿承朝  
日坐候棠梨過夕暉成均堂東有棠梨樹日影至預  
師生始散二十餘年矣

喜奉祠秋寺燭定知催襪早朝衣今晨瘦馬經門巷  
想擁青綾尚掩扉

次韻蔡國公張澹菴香山寺

相國觀山負夙期 聖恩祗許暫相違身隨雲影留  
三宿心了泉聲絕百非聞士談空依寶樹野人耕雨



薦山薇雙龍深護安禪處繞坐諸天近紫微

次韻國子監同官二首

坐隱烏皮髀肉消諸生應笑懶邊韶階前老馬隨秋  
草袖裏遺編俟早朝乞米西隣晨有粥留家南國暑  
無綃經明亦是歸耕好清夢無時萬里橋

學官南直禁垣陰假寓惟愁兩壁沉一曲鏡湖遺老  
事三年經幄小臣心銀河回夜天逾近草徑迎秋露  
轉深珍重鄉人居巷北時能來往和鳴琴

次韻馬伯庸賢監學士見貽詩并柬曹子貞

學士燕信臣彭允蹈待制二首

禁廬曉直夾城西經筵龍光映壁奎繞閣浮雲飛野  
馬當階生草伏馴麇雷行已識天無妄風烈唯聞帝  
弗迷徒積寸誠無補報每還冰署欲雞栖  
奉節通宵虎帳西重光貫玉護文奎賜餘分食兼羔  
雉侍側專茵雜豹麇樂事易成團月怨吟清深入五  
雲迷上林更有高枝在彩鳳還來擇舊栖

題鵞峯石

鵞峯者王堂前太湖石也前輩多賦詩今在劉伯



寧御史家伯寧乃中安學士子也

視草堂前石一拳何人移置自何年  
以憐翠色連重地故技孤根近九天  
俯仰百年承雨露等閑千尺接雲煙  
故家御史遺書在爲錄黿峯舊賦篇

進講後侍宴大明殿和馬伯庸韻二首

丞相承恩自九天講臣春殿秩初筵  
養賢敢謂占願象陳戒猶思誦抑篇  
既奏大韶兼善美豈無后稷暨艱鮮  
願推餘澤均黎庶樂只邦基億萬年

劔履歸來帶玉瑤元臣促召不崇朝  
盍簪誠與朋求

助納約須從牖向招御柳新條臨晝殿  
仙桃晚色上春潮校書寂寞楊雄老  
亦賦凌雲麗九霄

十一月二十夜思仲常第二首

江梅應發去年叢叔也俄爲畢竟空  
來後去先康節苦離多會少子瞻窮  
近書時閱猶疑在舊學重思孰與同  
萬里相從憐季子白頭清淚夜窓中

還京聞計在秋餘老淚無多眼易枯  
丹旄到無頻入夢佳城得否未收書  
食貧未已憐孤幼述德無聞愧老夫  
忍讀近緘成永訣爲敦衰薄趣歸與



贈竇神清歸茅山

翩翩飛鶴自遼東  
又向茅山擬住冬  
啄食定依何處  
竹結巢應得古時  
松雪滿空山騎一  
虎月明秋水佩  
雙龍別來彷彿三  
千歲亦欲還栖第  
一峯

題南野亭

門外煙塵接帝局  
坐中春色自幽高  
雲橫北極知天  
近日轉東華覺地  
靈前澗魚游留客  
釣上林鶯啣把  
盃聽莫嗟韋曲花  
無賴留擅終南雨  
後青

送貢仲章學士奉祠嶽瀆

三十過從今六旬  
故人唯我兩吟身  
空懷作賊相爲  
書學復升堂互拜  
親送別轉令嗟影  
獨思歸從此上  
心頻南湖春滿鷗  
波綠定擬乘槎往  
問津

亦城阻雨

人間伏日當蚤休  
道上馬車如水流  
神仙不愁風雨  
夕父老已知未黍  
秋誰憐司馬久多  
病惟有杜康能  
解憂北溟之鵬六  
月息載我八極歌  
遠游

送宋誠甫大監祀天妃

使者受節大明殿  
候神海上非求仙  
廟前水生客戾



山帷中靈語風冷然麗牲有石載文字沈璧用繅求  
淵泉賈生何可久不見海若率職君子還

觸石墜馬臥病蒙 恩予告先至上京寄李

漑之學士柯敬仲參書二首

翠幄臨都尚駐郊言瞻龍漠度前茅雨餘草氣千原  
合日下雲章五色交給札脩辭持玉筆賜羹充腹出  
珍庖白頭感遇知何補阿閣清嚴接鳳巢

趨召顛隴歎目昏旋聞予告荷深恩藥頒西域千金  
劑酒賜初筵九醞尊默憶舊書忘晝永行吟冷署覺

春溫摩挲素壁光於雪思得參書寫樹根

雲州道中數聞異香

雲中樓觀翠岩堯載道飛香遠見招非有芝蘭從地  
出略無煙霧只風飄玉皇按側當霄立玉母也邊向  
日朝却袖餘薰散人世九天清露海塵消

次韻楊友直北行道中

蕭蕭戎馬昔升虛壯士吹笳慘不舒關外羽書三日  
急道傍茅舍百年餘沙田雨足仍生黍河水冰消不  
禁漁洛下賈生猶獻策平明立拄玉階除



王儀伯參政見和郊字韻詩復用韻叙謝  
龍游宮沼鳳遊郊通水明堂不剪茅  
籬草儀三日具大亨饗帝五雲交  
執輿已信神爲馬和鼎寧容祝  
代庖八月涼風張樂地頌聲洋溢  
播雲巢

聖遠言湮感熱昏河汾千載最知恩  
垂紳論道稱前古束髮明經奉  
至尊車騎身從游汗漫庭闈心在  
視寒溫朝回未覺歸途晚斗柄西移  
揭角根

十月十六日奎章奏對回至李漑之學士宅  
宣旨行香孔林按上得佳紙因賦此詩并

道園遺稿卷六

九

得其鎮紙玉蟾

聖恩深念魯東家林木蕭條散暮鴉  
丹詔先令脩古廟彤廷即日遣皇華  
閣中學士馳山驛天上文星絢海霞  
偶爲傳宣到書閣就床奪得玉蝦蟆

次韻馬伯庸尚書

邃閣晨趨禁掖西暮街騎馬及雞栖  
退朝每想花邊散得句應從竹上題  
賜被南宮無宿火齋居方丈有  
蒸藜鳳池何似承明近久候文星共聚奎

送甘太史祀名山大川



太史名山閱秘經承恩衣繡許趨庭江頭飛蓋逢春  
雨林下幽人識使星宣室夜深蓮燭絳石渠風暖竹  
書青清朝盛典須成績最想遄歸駟馬駟

梅庭詩爲李重山賦

高人獨愛寒梅樹相對庭中作主人監谷泉甘來素  
履長安日近接華纓瓊瑤比德懷新好鐵石爲心憶  
老臣傳得朝紳詩總好揚州何遜久逡巡

即事呈閣老諸學士

松陰鵠立候宮車風送飛花著白鬚水影漸移簾側  
畔鶯聲祇在殿東隅近床擬進名臣傳載筆親題列  
女圖太液兩餘波浪動龍舟初試散魚鳧

與陳衆仲讀王臨川遺事

霜筠雪竹鍾山寺最憶臨川舊所遊病骨荒陂秋澹  
澹白頭遺恨思悠悠歸雲海迷華屋鷺起星河近  
綵舟欲托善公同到日松間石上試相求

玉堂讀卷

玉堂策士詔儒臣御筆親題墨色新省樹坐移簾底  
日宮壺馳賜殿頭春虞廷制作夔龍盛漢代文章董



賈醇書閣暮年偏感遇但歌天保答 皇仁  
謝吳宗師送牡丹并簡伯庸尚書

輕風紫陌少塵沙忽見金盤送好花雲氣自隨仙掌  
動天香不許世人誇青春有態當牕近白髮多情插  
帽斜最憶尚書才思別解吟蝴蝶出東家

和范德機從揚搗進士見寄

清江先生最好奇十年不出髮如絲田舍每詢歸後  
計玉堂今見寄來詩風前兩過林花動日下雲行省  
樹移還覓舊遊春欲暮揚搗爲我道深期

送進士劉聞文廷赴臨江錄事

清江百尺石爲城太秀千峰積雨晴官府幾時書帙  
靜漁舟盡日釣絲輕故家好訪春秋學上國多傳月  
旦評頗有老懷煩錄事到州爲問范先生

贈別劉性粹中支渭興文舉二賢良

昔人有欲問先天林下相期二十年已向塵埃成白  
髮尚從燈火事青編獲麟遂訖春秋後鳴鳥猶聞禮  
樂前春雨未來農事晚獨懷歸計在山田

送羅朋友道擢第還崇仁



重溪疊嶂竹交加曾著芒鞋踏白沙名勝多年嗟寂  
寞文章此日羨才華青雲步武纔重見白屋詩書尚  
幾家鄉邑相逢煩告語好敦忠信作生涯白沙友道  
居近之昔  
崇仁有同父尚書李公父舍人墳墓故宅在焉國  
朝六科崇仁舉進士第者惟家弟與友道才二人故  
云重見所以深期望於來者云

### 贈趙生

天門一日觀黃榜茅屋三年掩素扉湘帙蠹魚春兩  
潤練囊螢火夜光微夢遊朔雪留鴻跡思入南山望  
鶴飛會倚宮牆看射策上林初日炫朝衣

### 贈昇龍觀主

榻前親製先生號賜與江南謝舜咨太華雲關天使  
下少微星動史官知龍飛滄海留珠樹虎臥丹房守  
玉芝 聖主無爲千萬壽更應築館候安期

### 訪李真人不遇

退朝花底珮珊珊去訪真人曉出關芳草欲迷行徑  
古長松深護步廊聞蒼龍挾雨得瑤簡白鹿穿雲致  
玉環如到天壇看月影定知清露滿人間

### 賦壺洲



傳聞海上有玄洲曾是安期舊所游  
千頃白雲都種玉一盃弱水不勝舟  
魚龍夜護黃金鼎鸞鶴晨朝紫綺裘  
波浪不驚星斗近步虛聲裏度清秋

完哲篤下第歸蜀

西郊長憶草堂吟塵外幽居更可尋  
奏賦上林春事晚攜書舊隱歲華深  
濯錦江波紅灩灩浣花潭水碧沈沈  
白頭未覺鬪數萁待子重來獻好音

吳宗師夢予得山居因賦此詩

夜來夢我山居好笑我平生豈有之  
野服許辭金殿直俸錢足辦草堂費  
安知蓬島非堯率不是匡廬定武夷  
還有勝緣同晚歲至人無睡已多時

次韻朱本初訪李漑之學士不遇

城南城北暖塵飛伐木相求苦未歸  
吟到碧桃還綺雨行尋芳草又斜暉  
綺牕綵筆題詩偏斗帳沈香入袖微  
共載小車勝上馬重遊莫待曉紅稀

寄趙子敬平章

聞道乘閒入翠微猶愁嵐氣濕人衣  
道傍野樹飛花盡溪上春雲作雨歸  
故舊釣絲輕在手仙人棋局靜



忘機赤松曾許同千載擬向高湫傍鶴飛

故園生瑞竹

聞道故園生瑞竹試從來使問何如蒼筤獨出千叢  
裏翠節駢生數尺餘比管可吹丹穴鳳長竿莫釣錦  
溪魚折筵已向靈氛決亦說能歸似兩疏

聞道故園生瑞竹令人歸興滿江干扁舟不畏瞿塘  
險匹馬誰云蜀道難杜甫溪頭花匝孔明廟裏栢  
闌珊新堂題作歸歟字定得臨江把釣竿

聞道故園生瑞竹山僧爲我重栽培百年雨露餘生

息一日風雲幾往廻壠上枯桑烏萃止城東華表鶴  
歸來 聖恩若許歸田里千石清樽爲爾開

聞道故園生瑞竹吾家孫子好歸看佛祠竟日春陰  
覆先隴多年暮雨寒門戶淒涼嗟老病鄉關迢遞報  
平安重來慎勿勞余夢駟馬橋邊據馬鞍

別國史院鼇峰石二首

秋雨莓苔數尺身文章曾見百年人吁嗟一代興王  
盛付托諸公製作新垌野有詩皆在魯泰山無刻更  
先秦鳳麟一去無消息空使鴛鴦駘後塵



執戟揚郎久不遷  
頻年從幸到甘泉  
賜歸特許先三日  
作賦時今奏一篇  
翠勺娛人花帶露  
貂裘倚馬草橫煙  
殷勤爲謝堂前石  
何處來秋共月圓

神鳳琴

鳴鳥人間久不聞  
遺音欲托斷琴紋  
曾看土鼓歌朝日  
亦共陶尊醉夜分  
五色雲中迎太一  
九疑山下望湘君  
采詩應被唐風譜  
早晚樓船或祀汾

繼陶居士傳

汲水滔滔蜀嶺高  
飛蓬千里棘心勞  
道間化虎作人語  
城上慈烏向子嗥  
玉樹斷歌殘王氣  
朱門往事付鴻毛  
將軍莫歎今爲庶  
居士當年已繼陶

謝張書巢送宣和瀘石硯

巢翁新得瀘州硯  
拂拭塵埃送老樵  
毀壁復完知故物  
沈沙俄出認前朝  
毫翻夜雨天垂藻  
墨汎春冰地應潮  
恐召相如今草檄  
爲懷諸葛渡軍遙

送蘇伯脩御史

新除御史南臺去  
頓覺文星闕下稀  
病起可堪江露濕  
信還莫待苑花飛  
千年鳳鳥來阿閣  
萬里鱸魚出



釣磯總道揚雄文最古君知頭白久思歸

次韻柯玉文寄別

避弋驚鴻過遠汀  
嗒嗒病鶴想華亭  
印枉騎情都盡於越  
扁舟影更傳  
賓客莫詢溫室樹  
君王猶問楚江萍  
重來賈傅非年少  
前席從容對夕廷

謝張書巢惠梅花

巢翁遠送梅花樹  
正在東風四日前  
紅萼無言餘舊雪白頭相見又新年  
喜從嘉樹來江雨  
憶共香航上海船  
春夜不眠賓客醉  
只留孤鶴伴清妍

再用韻簡張書巢

豈無樽酒梅花側  
聞道長齋繡佛前方閣  
護雲宜暖日小車衝雪稱  
高年願辭閣下金蓮炬  
但乞湖中罨畫船  
約取巢翁攜鶴去  
鬢毛同白不爭妍

送王君實御史

頓覺支星闕下稀  
旁人猶道此言非  
東風十日京城雪  
西道三春客子衣  
鶯滿鞦韆川君定到  
鶻啼劔閣我思歸  
千花並繞圖書府  
相待承恩入紫微

寄答馬昂夫總管



白髮先朝舊從官幾年南郡尚盤桓九華山裏詩題  
徧采石江頭酒量寬鴈到京城還日暮馬懷餘棧又  
春殘何時得共鳴皋鶴八月匡廬散羽翰

與薩都刺進士

當年薦士多材俊忽見新詩實失驚今日玉堂須倚  
馬幾時上苑共聽鶯賈生誰謂年猶少庾信空慚老  
更成唯有臺中馬侍御金盤承露最多情

送歐陽原功謁告還瀏陽二首

憶昔先君早識賢手封製作動成編交游有道真三

益翰墨同朝又十年心似古人機獨敏用周嘗世德  
仍全雍祠已有蒼崖石欲托高文與代傳

曉奉新書進御床解纜隨見濯滄浪歸鴻不計江雲  
闊倦驥空懷野水長竹簟暑風竟夢遠茶煙清晝驥  
毛蒼籃輿千里宜春道投老相求訪石霜

送王師魯編脩祠南鎮

山陰巖壑多塵跡王事能來況暮春太史好探神禹  
穴老夫先是會稽人海東日出雕闌近湖上風生白  
亭新若得施樓同晚飯便從賀監卜爲鄰



題東平王與盛熙明手卷

宋宣和手勅一通卷首題識四字我朝

英宗皇帝御書也 帝嘗以至治三年正月十五日

幸五華山臣有以此書獻者丞相拜住侍側就題以賜之既歸第曲先盛熙明寫金字佛書一帙贄丞相丞相因以此卷賜之且語以其故至順三年

三月八日熙明屬歐陽玄記其事於左方

聖代御題前代勅小臣叨脩史臣書事業久爲人士首文章猶作世璠瓊海淪碣石圖空在墓築初連計

已踈誰識全燕天所斬萬年形勝帝王居

和馬侍御西山口占

岌堯宮殿水西頭春日時聞翠輦游霧引旌幢連閣道風傳鐘鼓出城樓群臣頌德金爲刻萬壽稱觴玉作流避暑醴泉涼氣早旋京應作大田秋

到先隴爲墓人書

未忍他鄉作故鄉故因使騎入陵陽鄉人共訝聲音似客路疑將鬢髮蒼親老長懷鄉里意孫多宜置墓田旁治生自可依諸葛數頃膏腴八百桑



八月十五日傷感

官車曉送出神州點點霜華入弊裘無復文章通紫  
禁空餘涕淚灑清秋苑中苜蓿煙光合塞外蒲萄露  
氣浮最憶御前催草詔承恩回首幾星周

題暖翠亭

老去唯思臥白雲一亭萬竹喜初聞波回曉日鴛鴦  
並沙散晴煙翡翠分把釣左泉歸衛女乘舟北渚望  
湘君誰能獨采薇盈袖却道高寒思不羣

送許有孚赴湖廣提舉

奉詔掄文秘殿西才華知合籍金閨思親浩蕩江波  
遠戀闕遲回苑樹低望鶴樓前移綵鷁吟詩花底聽  
黃鸝歸來尚覺春風早鴈字充庭玉筍齊

賦石竹

積雪初消華綠華東風吹動絳綃霞龍噓石氣千年  
潤鶴過林陰一徑斜刻字欲尋金錯落析旌如織翠  
交加綺牕坐對吹笙暖未覺人間歲月賒

題采兒只平章紫微亭

右丞昔向東南住獨對南山賦紫微春雨乍收原上



牧晚晴仍見谷中歸好留杜牧爲賓客更覓園公共  
蕨薇聞道新亭多雅興想持尊酒看清暉

### 賦碧筠堂

藹藹江東雨後雲碧筠堂止注芳尊眉山老去無賓  
客番水春生有子孫團扇晚涼留翠黛疎林織月對  
黃昏問誰吹得參差玉爲斲蒼苔向石根

### 次韻吳宗師

硯池滿貯薔薇水罌腹輕磨翡翠釵仙苑煙雲隨地  
暖道山風日尚春佳菓笙夜夜鳴金屋飛鳥時時步

道園集卷六

十

玉階祗恐江頭花事晚謾勞車馬賦茅齋

### 寄來鶴亭主人

德清舊館何時到雨後春泉定滿池綠字久無弘景  
信紫苔應長少霞碑數峰煙樹天垂野千頃鷗波兩  
散絲海內交游多老去爲誰溪上放船遲

### 送王中夫赴安慶教授

太行積雪都消盡船到舒州水正高江樹連城分野  
色門生加豆薦溪毛尋原自去書山石問字誰能載  
醴醪爲覓種椒張處士早收丹實待歸舸



予延祐己未秋南歸安慶城東有張教授與予  
同舟從者得椒實數升至江右種皆成予復來  
京師又十數年山中椒已無存者可爲求種秋  
過江上行取之爾

送張兵部巡視運河

畫橋冰泮動龍舟鴨綠粼粼出御溝使者旌旗穿柳  
過人家鳧鴈傍溪浮桃花吹雨春牽纜江水平提夜  
唱籌應有餘波方浩蕩不令歸楫恨淹留

謝吳宗師送牡丹

人人看盡洛陽花誰信堯夫小小車高閣每煩君實  
望西街還過伯淳家東風寒食炊煙散燕子空梁暮  
景斜最憶青城坪上樹樵人祇向擔頭誇

題著色山圖

江樹重重江水深楚王宮殿在山陰白雲窈窕生春  
浦翠黛嬋娟對晚岑宋玉少時多諷詠江淹老去倦  
登臨扁舟却上巴陵去閒聽孤猿月下吟

送趙伯常自中臺出貳淮憲

淮南地沃偏宜麥況可扁舟弋鴈鳧此地正須能賦



客中臺新剖使君符山城過雨驚春盡野老扶藜到  
日晡行部若臨江岸闊煙波冉冉有漁夫

### 城東觀杏花

明日城東看杏花丁寧兒子早將車路從丹鳳樓前  
過酒向金魚館裏賒錄水滿溝生杜若暖雲將雨少  
塵沙絕勝羊傅襄陽道歸騎西風擁鼓笳

### 送戈伯敬東訪伯循御史就遊京師

扁舟重訪瓊花館使者還裁豸角冠定有薦書天上  
去豈無懷綬邸中看宮墻隔樹聞鶯轉朝路聽雞上

馬鞍頻寄好音傳父老鄉人總解望長安

### 題黃都事仲綱山居溪閣圖二首

出山作官十載餘聊托筆墨懷幽居連雲一一列眉  
黛細雨往往逢樵漁鄰家父老每載酒隔屋弟兄皆  
讀書我今居山不待晝獨念稚子扶犁鋤

閣前流水春愈深故人東來還見尋方舟直過彭蠡  
澤把釣坐對香鑪岑雲中煙樹差可辨江上鄉關誰  
與吟我欲芳蘭寄遠者日暮天際多輕陰

### 送夏成善



就學成均喜盛季臨風因得問羣賢日移梨樹雷春  
詠風動槐陰近夏弦英胄本從公館事名家今試禮  
宮傳他季美曝茅簷書起聽科名自日邊

題龍興萬年宮鐵柱

老龍無意弄新波化作鳧翁倚柱歌點石神方寧復  
得沉沙遺戟不堪磨粉陰鼎有鼎千年出海底珊瑚百  
尺過誰在蓬萊期劫外下騎黃鵠一摩挲

雍虞先生道園類稿卷六







